



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XXXIV. Præceptum in Carmelitas Discalceatos Congregationis Hispaniæ,  
ne audeant Conventum ædificare in Oppido de Bilbao Calaguritanæ  
Diœcesis.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Decretum  
irritans.

§. 14. Decernentes easdem præsentem Literas semper firmas, & validas existere, & fore, suoque plenarios, & integros effectus sortiri, & obtinere, ac illis, ad quos spectat, & pro tempore quoadcumque spectabit in omnibus, & per omnia plenissime suffragari, & ab eis respectively inviolabiliter observari. Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis  
derogat.

§. 15. Non obstantibus præmissis, ac nostra, & Cancellariæ Apostolicæ Regula de non concedendis Indulgentiis ad instar, aliisque Constitutionibus, & Ordinationibus Apostolicis, necnon quatenus opus sit Ordinis, & Confraternitatum hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Fides tran-  
sumptorum.

§. 16. Volumus autem, ut ipsarum præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Edit. 11. Feb.  
1673. An. 3.

Datum Romæ apud S. Mariam Majorem sub Annulo Piscatoris die 11. Februarii 1673. Pontificatus nostri anno tertio.

I. G. Slusius.

Registrata in Secr. in lib. Brevium mensis Febr. part. utraq. fol. 628.

XXXIII.

Decretum recitationis Officii S. Cajetani Thienæi Theatinorum Fundatoris ab omnibus utriusque sexus ad recitationem obligatis in die 7. Augusti de Communi Confessoris non Pontificis.

CLEMENS PAPA X.

Ad futuram rei memoriam.

Exordium.

AD Pastoralis dignitatis fastigium, nullo licet meritorum nostrorum suffragio per ineffabilem Divinæ Clementiæ abundantiam evecti, Sanctorum in Cælis cum Christo Jesu Domino nostro regnantium, illorum præsertim, qui in diebus peregrinationis suæ salubrium fuerunt auctores Institutorum, quibus Ecclesia Dei cum ingenti animarum fructu multipliciter decoratur, cultum, & venerationem in terris promovere studemus, sicut ad Omnipotentis Dei, qui in Sanctis suis honoratur, gloriam, fideliumque ædificationem, salubriter expedire in Domino arbitramur.

S. Cajetanus  
catalogo San-  
ctorum ad-  
scripseus.

§. 1. Itaque eximia Sancti Cajetani Thienæi Congregationis Clericorum regularium Theatinorum nuncupatorum Fundatoris, quem nos Sanctorum Catalogo solemniter Ritu adscripsimus, in Ecclesia Dei merito, pio, peculiarique devotionis affectu recolentes, sinceramque nostram in eum pietatem aliquo honorum incremento magis testatam esse cupientes, auctoritate Apostolica tenore præsentium præcipimus, ut de eodem S. Cajetano quotannis die 7. Augusti cele-

bretrur Festum cum officio de Communi Confessorum non Pontificum sub Ritu Semiduplici de præcepto ab omnibus Christianis tam secularibus, quam regularibus utriusque sexus, qui ad horas canonicas tenentur, & sub eodem Ritu in Calendario Breviarii Romani apponatur.

Contrariis  
derogatio.

§. 2. Non obstantibus Constitutionibus Apostolicis, cæterisque contrariis quibuscumque. Volumus autem, ut earumdem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique locorum in judicio, & extra illud habeatur, quæ haberetur ipsis præsentibus si forent exhibitæ, vel ostensæ.

Ed't 27. Mar.  
1673. An. 3.

Datum Romæ apud S. Mariam Majorem sub Annulo Piscatoris, die 27. Martii 1673. Pontificatus Nostri Anno Tertio.

Præceptum in Carmelitas Discalceatos Congregationis Hispaniæ, ne audeant Conventum ædificare in Oppido de Bilbao Calaguritana Diocæsis.

XXXIV.

CLEMENS PAPA X.

Ad futuram rei memoriam.

NUPER pro parte dilectorum filiorum Magistratus, & Populi, ac Capituli, & Beneficiorum, necnon Fratrum Conventuum Ordinis Minorum S. Francisci de Observantia nuncupatorum, & Eremitarum S. Augustini Oppidi de Bilbao Calaguritana Diocæsis Congregationi Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod dilecti pariter filii Fratres Carmelitæ Discalceati Congregationis Hispaniæ, occasione legati cujusdam Domus, horti, & furni in dicto Oppido existentium sibi a quond. Maria Diaz de Aguirre anno 1628., ad effectum erigendi ibidem novum Conventum eorum Religionis, facti, tentaverant diversis vicibus, nempe annis 1619., & 1629. ac 1665. habere desuper necessarium consensum Civium, & Incolarum, ac Ecclesiarum Parochialium dicti loci, eisque semper fuerat denegatus ex eo, quod in eodem Loco, ejusque Suburbii respectively aderant duæ Parochiales Ecclesiæ cum 24. Beneficiatis participantibus, & totidem expectantibus, quinque Conventus Regularium, & Mendicantium, quorum duo erant Fratrum Minorum S. Francisci de Observantia, Septem Monasteria Monialium, & sexdecim Confraternitates Laicales, ac Hospitalia pauperum, & horum ratione prætenso fundatio hujusmodi expresse prohibita fuerat, & quia dicti Fratres Carmelitæ aperuerant de facto Oratorium, in quo Missam celebrabant, mandatum fuerat illud claudi, prout clausum fuerat.

Exordium a  
narrativa facti.

§. 1. Sed his non obstantibus iidem Carmelitæ nulla facta mentione præmissorum, imo ex falsa narratione, quod a Civibus, & Incolis dicti Locum de Bilbao desideraretur dicta nova fundatio, & quod redditus ex dicto legato, seu hæreditate Mariæ de Aguirre provenientes, & Civium pietas ad alendos 12. Fratres sufficere possent, extorserant a felicitate recordationis Clemente Papa IX. prædecessore nostro specialem Commissionem directam Ordinario Calaguritano, ut constituo sibi de veritate expositorum, petitam licentiam fundandi concederet, prout in literis ipsius Clementis prædecessoris in simili forma Brevis die 24. Septembris 1668. expeditis continetur, & successive narrato, quod in multis Locis Regnorum Hispaniæ novas Domos, & Mo-

Clemens IX.  
commissit Or-  
dinario Cala-  
guritano die  
24. Sep. 1668.  
ut licentiam  
fundandi Con-

ventum in Oppido de Bilbao concederet Fr. Discalceatis Carmelitis Hispaniæ.

Eisdem confirmavit antiqua privilegia Pauli V. & Gregor. XV. fundandi novas Domos per Hispanias de sola licentia Ordinarii.

Vigore dd. litterarum dd. Fratrum 2. Nov. 1668. extorserunt a Vicario Generali Calaguritano licentiam fundandi.

Totum Consilium d. Oppidi de Bilbao hanc fundationem recusat.

Episc. Calaguritanus informat S. Congr. Episcop. & Regul. favore ad Carmelit.

S. Congr. die 25. Novemb. 1672. decrevit non esse locum præd. fundationi.

Pontifex Carmelitis concedit novam audientiam.

D. S. C. die 21. Apr. 1673. resolvit standū esse priori Decreto.

Preces dd. Populi & Cleri data Pontifici.

nafteria d. Religionis fundari desideraretur, obtinuerant ab eodem Clemente prædecessore sibi confirmari antiqua Privilegia Apostolica a re. me. Paulo V., & Greg. XV. Romanis Pontificibus prædec. pariter nostris concessa fundandi ubique locorum de sola licentia Ordinarii, nulla facta revocationis amplissimæ omnium Privilegiorum hujusmodi a piæ me. Urbano VIII., etiam prædecessore nostro, mentione, prout in aliis ipsius Clementis prædecessoris pariter in forma Brevis die 8. Octobris ejusdem anni 1668. emanatis, etiam continetur, harumque litterarum vigore extorserant sub die 2. Novembris 1669. a tunc existente Vicario Generali Episcopi Calaguritanici licentiam fundandi; sed recusante Populo, ac Clero Saculari, & Regulari eos recipere, fuerat de mandato, & cum assistentia tunc existentis Gubernatoris Cantabriæ, & Officialium ejusdem loci de Bilbao mense Januario 1670. convocatum generale Concilium ipsius loci, ad effectum videndi, an, & quanta pars Populi ipsos Carmelitas desideraret, ac posset eos suis elemosynis sustentare, & pariter compertum fuerat, omnes dictam novam fundationem recusare ex eisdem causis supra narratis.

§. 1. Unde devoluta causa ad prædictam Congregationem Cardinalium, fuerat ab eadem scriptum Venerabili Fratri moderno Episcopo Calaguritano pro Informatione, qui licet retulisset sibi constare per instructiones secretas habitas a viris ab omni suspitione alienis, dictique Oppidi rerum optime peritis, dictam fundationem nulli in temporalibus damnosam, & omnibus in spiritualibus fore proficuum, ideoque majorem Populi partem illam desiderare; tamen cum relatio hujusmodi appareret erronea, & minus vera ex supra relatis Consiliis publicis, & contradictionibus semper factis a Populo, Ecclesiis Parochialibus, & Conventibus S. Francisci, & S. Augustini, causa hujusmodi in prædicta Cardinalium Congregatione die 25. Novembris proxime præteriti proposita, eadem Congregatio, partibus utrisque informantibus, re mature, ac diligenter discussa, declaraverat non esse locum præsentæ fundationi Conventus Carmelitarum Discalceatorum in suprascripto Oppido de Bilbao Calaguritan. Diocesis, non obstante eorum asseritis Privilegiis, ac Indultis Apostolicis, quæ in casu de quo agebatur, censuerant iis minime suffragari, ac proinde prædictos Fratres Carmelitas non esse amplius super hujusmodi fundatione audiendos: Et in eadem expositione subjuncto quod cum non obstante Decreto Congregationis hujusmodi nova audientia dd. Fratribus Carmelitis ex speciali Rescripto nostro concessa fuisset, prædicti exponentes cupiebant ex eisdem rationibus supra relatis, & antea deductis confirmari dict. Decretum, ac ad obviandum novis scandalis, & litibus declarari, quod non liceret eisdem Fratribus Carmelitis retinere in dicto Loco de Bilbao Hospitium, nec aliam permanentem habitationem cum nova impositione perpetui silentii.

§. 2. Emanavit ab eadem Congregatione Decretum tenoris, qui sequitur, videlicet: *Sacra Congregatio E.E., & Reverendissimorum S. R. E. Cardinalium negotiis, & Consultationibus Episcoporum, & Regularium præposita, Partibus hinc inde informantibus, negotio diligenter, & accurate examinato, referente Eminentissimo Nino, censuit persistendum esse in Decreto alias, ut supra, die 25. Novembris 1672. edito, ac propterea non esse locum præarratæ fundationi. Romæ 21. Aprilis 1673. F. M. Cardinalis Brancatius. Loco † Sigilli - N. Casanata Secretarius.*

§. 3. Cum autem, sicut iidem Exponentes Nobis subinde exponi fecerunt, ipsi Decretum hujusmodi, quo firmius subsistat, Apostolicæ Confirmationis nostræ patrocinio communiri summopere desiderant; Nos specialem ipsis Expo-

nentibus gratiam facere volentes, ac eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinari, Decretum præinsertum auctoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate prædictæ Congregationis Cardinalium.

§. 4. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus Apostolicis, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque, Indultis, & literis Apostolicis in contrarium præmissorum quomodolibet concessis, & innovatis. Quibus omnibus, & singulis illorum tenores pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 6. Maji 1673. Pontificatus nostri Anno Tertio.

I. G. Slusius.

Registrata in Secretaria in lib. Mensis Maji.

Approbatio, seu confirmatio Decreti Sac. Congregationis Episcoporum, & Regularium contra erectionem Domus, seu Conventus Capuccinorum in Civitate, & Insula Majoricen. & perpetuum superimpositum silentium.

CLEMENS PAPA X.

Ad futuram rei memoriam.

Nuper pro parte dilectorum filiorum Fratrum Minorum Ordinis S. Francisci de observantia nuncupatorum in Insula Majoricæ degentium Congregationi Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositæ exposito, quod Fratres Minores Ordinis ejusdem S. Francisci Capuccini nuncupati jam inde ab anno 1649. promovere cœperant fundationem novi Conventus in Insula, & Civitate Majoricen. sed propter angustiam regionis, & nimiam quantitatem Conventuum, & Monasteriorum aliorum Mendicantium, ac Monialium usque ad nimirum quadraginta trium in Insula, quorum viginti septem sunt Mendicantium, & ex his octo Fratrum Minorum S. Francisci de Observantia, alia duo Monachorum, & reliqua Monialium, fuerant semper rejeçti, & nihilominus cum de facto ibidem hospitium aperuissent:

Absolutio a Censuris.

Pontifex dict. Decretum S. Congr. auctoritate Apost. confirmat.

Decretum irritans.

Contrariis derogat.

Edit. 6. Maji 1673. An. 3.

XXXV.

Exordium ab expositione facti.